



# LARIM OL KAMAP BIKPELA!




SAPOS YUMI LARIM PIS NA OL NARAPELA SAMTING LONG SOLWARA IKAMAP BIKPELA, BAI OL I GO HET LONG KARIM PIKININI NA BAI YUMI KEN KISIM PIS BILONG OL FEMILI BILONG YUMI LONG KAIKAI NA SALIM LONG MAKET LONG PLANTI YIA IKAM BIHAIN.





YU MAS SAVE LONG OL SAIS BILONG PIS, KINDAM, NA OL GAM YU SAVE KISIM. LIKLIK BUK LONG PNG PISERIS LO ITOKTOK LONG OL MARIN RISOSIS INSAIT LONG PNG WE IGAT MAK YU MAS KISIM INAP LONG EN, WANTAIM TAIM WE YU KEN KISIM ABUS LONG EN, NA OL LO ITAMBUIM SAMPELA ROT INO STRET LONG KISIM PIS NA OL NARAPELA ABUS. NFA IPUTIM DISPELA LO LONG LARIM OLGETA SAMTING OLSEM ABUS O PIS LONG SOLWARA IKEN KAMAP BIKPELA NA KARIM PLANTI MOA PIKININI. SAPOS, YU NOGAT DISPELA LO BUK, KISIM WANPELA LONG NESENEL FISERIS ATORITI. I NOGAT ESKIUS LONG YU NO SAVE LONG LO.




SAPOS YU HUKIM PIKININI PIS, RAUSIM GUT HUK LONG EM NA PUTIM EM IGO BEK LONG SOLWARA. DISPELA BAI IGIVIM SANS LONG EM LONG KAMAP BIKPELA NA KAMAPIM PIKININI PIS. LONG DISPELA ROT OL RIP NA MANGORO BAI IGAT PIS OLTAIM NA BAI OL I GRO NA KAMAP BIKPELA PIS. SAPOS YUMI LARIM PIS NA OL NARAPELA SAMTING LONG SOLWARA IKAMAP BIKPELA, BAI OL I GO HET LONG KARIM PIKININI NA BAI YUMI KEN KISIM PIS BILONG OL FEMILI BILONG YUMI LONG KAIKAI NA SALIM LONG MAKET LONG PLANTI YIA IKAM BIHAIN.



SAPOS YU KISIM OL MERI KUKA O KINDAM IGAT KIAU, LUSIM OL IGO. OL MERI KINDAM NA KUKA ISAVE KARIM PLANTI TAUSEN KIAU ANINIT LONG BEL BILONG OL. MERI KINDAM I SAVE KARIM OL KIAU INAP LONG TRIPELA O FOPELA WIK NA BIHAIN I RAUSIM OL LONG SOLWARA. LIKLIK NAMBA TASOL IGO LONG DISPELA TAUSEN KIAU IGO LONG SOLWARA BAI I STAP LAIP. OLSEM NA SAPOS YU KILIM MAMA KINDAM O KUKA WANTAIM OL KIAU BILONG OL, LONG TAIM BIHAIN, BAI INOGAT MOA KUKA NA KINDAM BILONG KAIKAI O SALIM LONG MAKET.



SAPOS YU KISIM OL PISLAMA BILONG SALIM, YU MAS SAVE GUT LONG OL SAIS BILONG OLGETA KAIN PISLAMA YU KISIM. NOKEN KISIM OL PISLAMA ILIKLIK TUMAS BIKOS OL LAIN ISAVE BAIM NA OL LAIN ISAVE SALIM IGO LONG OL ARAPELA KANTRI BAI INO NAP BAIM, NA YU NO NAP KISIM MONI LONG OL DISPELA LIKLIK PISLAMA. YU MAS SAVE TU LONG TAIM WE WOK BILONG KISIM PISLAMA IPAS: EM LONG OCTOBA 1 IGO INAP LONG JENUERI 15. TASOL, SAPOS PROVINS BILONG YU IKISIM PINIS MAK BILONG PISLAMA BIPO LONG NAMBA WAN DE LONG MUN OCTOBA YU MAS STOP LONG KISIM PISLAMA TU LONG DISPELA TAIM.



SAPOS YU PAINIM PIS WANTAIM NET, SAIS BILONG HOL LONG NET IMAS ANTAP LONG FOPELA INSIS. LONG DISPELA ROT OL PIKININI PIS INO NAP PAS LONG NET NA BAI OL I KAMAP BIKPELA NA KAMAPIM OL PIKININI BILONG OL YET. HIA NAU EM HAU YU KEN MAKIM SAIS BILONG NET BILONG YU:

